

Z A P I S N I K

sa I elektronske sjednice Vijeća Univerziteta u Sarajevu - Građevinski fakultet, održane dana 24.01.2022. godine, sa periodom izjašnjavanja od 10.00 do 12.00 sati.

Članovi Vijeća Univerziteta u Sarajevu - Građevinski fakultet (pozvani putem e-maila):

Nastavnici i saradnici:

Prof.dr. Adnan Ibrahimbegović, Prof.dr. Mustafa Hrasnica, Prof.dr. Esad Mešić, Prof.dr. Samir Dolarević, Prof.dr. Emina Hadžić, Prof.dr. Azra Kurtović, Prof.dr. Admir Mulahusić, Prof.dr. Đenari Čerimagić, Prof.dr. Amra Serdarević, Prof.dr. Suvada Šuvalija, Prof.dr. Emil Ilić-Georgijević, Prof.dr. Naida Ademović, Prof.dr. Medžida Mulić, Prof.dr. Mirza Pozder, Prof.dr. Sanjin Albinović, Prof.dr. Nedim Tuno, Prof.dr. Goran Simonović, Prof.dr. Jusuf Topoljak, Doc.dr. Esad Vrce, Prof.dr. Suada Sulejmanović, Doc.dr. Džanina Omićević, Doc.dr. Hata Milišić, Doc.dr. Adis Skejić, Doc.dr. Žanesa Ljevo, Doc.dr. Ismar Imamović, Doc.dr. Senad Medić, Doc.dr. Anis Balić, Doc.dr. Emina Hadžalić, Doc.dr. Emir Karavelić, Doc.dr. Emina Hajdo, Doc.dr. Haris Kalajđisalihović, Doc.dr. Dževad Krdžalić, Doc.dr. Alma Džubur, Viši asistent Nerma Lazović (H), Viši asistent Ammar Šarić (S), Viši asistent Damir Hasanspahić (Mat.), Viši asistent Nedim Kulo (G), Asistent Mladen Kapor (Geot.i geol.), Asistent Samir Suljević (K), Asistent Muamer Đidelića (G).

Studenti: Adelisa Subašić, Amina Krivić, Zana Kadić

Ostali prisutni (obavješteni putem e-maila): Sabina Bajrić, sekretar fakulteta

Elektronska sjednica je započela u 10.00 sati.

Sjednicom Vijeća je predsjedavao prof.dr. Samir Dolarević, dekan Univerziteta u Sarajevu – Građevinski fakultet na osnovu čije saglasnosti, a u skladu sa obavezom poštivanja svih mjera Kriznog stožera Federalnog ministarstva zdravstva, u cilju sprječavanja i kontrole epidemije izazvane novim koronavirusom (COVID-19), je članovima Vijeća putem e-maila dostavljen Poziv za održavanje I sjednice – elektronske – zakazane za 24.01.2022. godine sa naznakom termina izjašnjavanja u terminu od 10.00 do 12.00 sati.

Od ukupno 43 člana Vijeća Univerziteta u Sarajevu – Građevinski fakultet u utvrđenom terminu glasanja glasanju je pristupio 41 član, a 2 člana Vijeća se nisu izjasnili: Prof.dr. Adnan Ibrahimbegović i Zana Kadić (studentica).

Na prijedlog dekana usvojen je sljedeći:

DNEVNI RED:

- I Usvajanje Zapisnika sa XIX sjednice Vijeća Univerziteta u Sarajevu–Građevinski fakultet, održane 27.12.2021. godine;
- II Usvajanje Izvještaja o radu Univerziteta u Sarajevu – Građevinski fakultet za 2021. godinu;
- III
 - a) Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 15.11.2021. godine;
 - b) Primjedba Sanele Hodžić na Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo";
 - c) Izjašnjenje Komisije na Primjedba Sanele Hodžić na Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo",
- IV Imenovanje Komisija za pripremanje prijedloga za izbor u zvanje asistent za naučnu oblast "Hidrotehnika i okolišno inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 13.12.2021. godine;

- V Utvrđivanje prijedloga za raspisivanje konkursa za izbor/napredovanje u naučnonastavno zvanje: docent za naučnu oblast "Hidrotehnika i okolišno inženjerstvo" – jedan izvršilac sa punim radnim vremenom;
- VI Prijedlog Komisije za izdavačku djelatnost o utvrđivanju cijene knjige "Priprema vode za piće", autorice prof.dr. Suvade Šuvalija, dipl.ing.građ.
- VII Molba studenta na smjeru „Hidrotehnika i okolišno inženjerstvo“ Amera Polića za promjenu teme završnog rada
- VIII Odluka o imenovanju člana Komisije za izradu Nacrta Odluke o privremenoj zaštiti izvorišta vode za piće „Sarajevsko polje“

Ad/I

Članovi Vijeća su putem e-mail korespondencije pozvani da se izjasne o Zapisniku sa XIX sjednice Vijeća Univerzitet u Sarajevu–Građevinski fakultet, održane 27.12.2021. godine; Na Zapisnik sa XIX sjednice Vijeća Univerziteta u Sarajevu – Građevinski fakultet, održane 27.12.2021. godine nije bilo primjedbi, te je isti jednoglasno usvojen.

Ad/II

Na prijedlog prodekana za nastavu, Vijeće je jednoglasno donijelo sljedeću:

ODLUKU

I

Usvaja se Izvještaj o radu Univerziteta u Sarajevu – Građevinski fakultet za 2021. godinu broj: 02-1-132/22 od 19.01.2022. godine , koji je sastavni dio ove Odluke.

II

Izvještaj o radu Univerziteta u Sarajevu – Građevinski fakultet za 2021. godinu će biti dostavljen nadležnoj službi Univerziteta u Sarajevu.

Ad/III

Članovima Vijeća su na razmatranje dostavljena sljedeća dokumenta:

- a) Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 15.11.2021. godine;
- b) Primjedba Sanele Hodžić na Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo";
- c) Izjašnjenje Komisije na Primjedba Sanele Hodžić na Izvještaj Komisije za pripremanje prijedloga za izbor u zvanje asistent za naučnu oblast "Geotehnika i geološko inženjerstvo",

Komisija je, nakon uvida u priloženu dokumentaciju, u svom Izvještaju jednoglasno predložila Vijeću Univerziteta u Sarajevu – Građevinski fakultet da utvrdi prijedlog za izbor Amile Avdić, MA geologije, dipl.ing.geol. u naučnonastavno zvanje asistent za naučnu oblast «Geotehnika i geološko inženjerstvo», na Univerzitetu u Sarajevu – Građevinski fakultet, koja ispunjava sve formalne i suštinske uvjete za izbor u naučnonastavno zvanje asistent, utvrđene odredbama Zakona o visokom obrazovanju i Statutom Univerziteta u Sarajevu.

Nakon upoznavanja sa predmetnim Izvještajem Komisije za pripremanje prijedloga za izbor u naučnonastavno zvanje asistent za naučnu oblast «Geotehnika i geološko inženjerstvo», zaveden pod brojem: 02-1-256 –17/21 od 13.01.2022. godine, Primjedbe na Izvještaj Komisije za pripremanje prijedloga za izbor u naučnonastavno zvanje asistent za naučnu oblast «Geotehnika i geološko inženjerstvo» br. 02-1-256-19/21 od 17.01.2022.godine, podnesenim od kandidatkinje Sanele Hodžić, MA geologije, dipl.ing.geol. i Odgovora Komisije na primjedbu Sanele Hodžić, MA geologije, za izbor u

naučnonastavno zvanje asistent za naučnu oblast „Geotehnika i geološko inženjerstvo“ br. 02-1-256-20/21 od 21.01.2022. godine i tajno provedenog glasanja, Vijeće Univerziteta u Sarajevu–Građevinski fakultet je sa većinom glasova (35 glasova “ZA” I 6 glasova “PROTIV”) utvrdilo prijedlog sljedeće:

ODLUKE

I

Usvaja se Izvještaj Komisije za pripremanje prijedloga za izbor u naučnonastavno zvanje asistent za naučnu oblast «Geotehnika i geološko inženjerstvo», zaveden pod brojem: 02-1-256-17/21 od 13.01.2022. godine.

II

Utvrđuje se prijedlog za izbor **Amile Avdić, MA geologije, dipl.ing.geol.** u naučnonastavno zvanje **asistent za naučnu oblast «Geotehnika i geološko inženjerstvo»**, na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/IV

Na prijedlog Odsjeka za hidrotehniku I okolišno inženjerstvo, Vijeće je jednoglasno donijelo sljedeću

ODLUKU

o imenovanju Komisije za pripremanje prijedloga za izbor u naučnonastavno zvanje

I

U Komisiju za pripremanje prijedloga za izbor u naučnonastavno zvanje: asistent za naučnu oblast “Hidrotehnika i okolišno inženjerstvo”, jedan izvršilac sa punim radnim vremenom, po Konkursu objavljenom u dnevnim novinama “Oslobođenje”, web stranici Univerziteta u Sarajevu i web stranici Univerziteta u Sarajevu – Građevinski fakultet dana 13.12.2021. godine, imenovani su:

- 1.) Dr.sc. Amra Serdarević, dipl.ing.građ., vanredni profesor Univerziteta u Sarajevu – Građevinski fakultet (naučna oblast „Hidrotehnika i okolišno inženjerstvo“), predsjednik Komisije;
- 2.) Dr.sc. Emina Hadžić, dipl.ing.građ., redovni profesor Univerziteta u Sarajevu – Građevinski fakultet (naučna oblast „Hidrotehnika i okolišno inženjerstvo“), član Komisije;
- 3.) Dr.sc. Haris Kalajdžisalihović, dipl.ing.građ., docent Univerziteta u Sarajevu – Građevinski fakultet (naučna oblast „Hidrotehnika i okolišno inženjerstvo“), član Komisije;

II

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 45 dana od dana isteka roka za podnošenje prijave na Konkurs.

Ad/IV

Na prijedlog Odsjeka za hidrotehniku i okolišno inženjerstvo, Vijeće je jednoglasno donijelo sljedeću

ODLUKU

o utvrđivanju prijedloga za raspisivanje konkursa

I

Utvrđuje se prijedlog za raspisivanje konkursa za izbor/napredovanje u naučnonastavno zvanje: docent za naučnu oblast “Hidrotehniku i okolišno inženjerstvo” – jedan izvršilac sa punim radnim vremenom.

II

U Dinamičkom plana potreba za raspisivanje konkursa na Univerzitetu u Sarajevu – Građevinski fakultet za izbor u zvanje za 2021./2022. studijsku godina br. 02-1-1424-2/21 od 13.09.2021.godine, u *Tabela 3. KONKURSI ZA IZBOR U ISTO ILI VIŠE ZVANJE NASTAVNIKA – NAPREDOVANJE - redni broj pod kojim se nalazi pozicija koja se predviđa konkursom za izbor koji je predmetom razmatranja grupacije/Senata je DVA (2).*

Prijedlog za raspisivanje konkursa za predmetni izbor bi regulisao REDOVNO NAPREDOVANJE U VIŠE ZVANJE ČLANA AKADEMSKOG OSOBLJA.

III

Uvjeti za izbor:

Kandidati za izbor u naučnonastavno zvanje docent treba da ispunjavaju opće zakonske uvjete i minimalne uvjete za izbor u naučnonastavno zvanje docent utvrđene članom 96. Zakona o visokom obrazovanju ("Službene novine Kantona Sarajevo", broj: 33/17, 35/20, 40/20 i 39/21) i članom 194 Statuta Univerziteta u Sarajevu:

- naučni stepen doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti;

Pored općih zakonskih i minimalnih uvjeta za izbor u naučnonastavno zvanje docent utvrđenih članom 96. Zakona o visokom obrazovanju ("Službene novine Kantona Sarajevo", broj: 33/17, 35/20, 40/20 i 39/21) i člana 194 Statuta Univerziteta u Sarajevu, kandidati trebaju da ispunjavaju i sljedeće uvjete:

- diplomirani inženjer građevinarstva, odnosno magistar građevinarstva, smjer Hidrotehnika i okolišno inženjerstvo, sa 300 ECTS bodova, naučni stepen doktora nauka iz oblasti za koju se prijavljuje,

Uz prijavu kandidati obavezno dostavljaju: biografiju (CV), uvjerenje o državljanstvu, diplome o stečenom obrazovanju, dokaz o tri naučna rada objavljena u priznatim publikacijama koje se nalaze u relevantnim naučnim bazama podataka, kao i druge dokaze o ispunjavanju uvjeta za izbor u naučnonastavno zvanje docent za koje se prijavljuju.

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo ("Službene novine Kantona Sarajevo", broj: 33/17, 35/20, 40/20 i 39/21) i u Statutu Univerziteta u Sarajevu.

Ugovor o radu će se zaključiti sa kandidatom izabranim u navedeno naučnonastavno zvanje.

IV

Odluku dostaviti na saglasnost Senatu Univerziteta u Sarajevu.

Ad/VI

Na Prijedlog Komisije za izdavačku djelatnost, Vijeće Uje jednoglasno donijelo

ODLUKU

I

Utvrđuju se cijene knjige "Priprema vode za piće", autorice prof.dr. Suvade Šuvalija, dipl.ing. građ., u izdanju Univerziteta u Sarajevu – Građevinski fakultet kako slijedi:

- a) 15,00 (petnaest) KM za studente Univerziteta u Sarajevu – Građevinski fakultet
- b) 40,00 (četrdeset) KM za ostale kupce

Ad/VII

Po Molbi studenta Amira Polića i uz saglasnost prodekana za nastavu i Odsjeka za hidrotehniku i okolišno inženjerstvo, Vijeće je jednoglasno donijelo

ODLUKU

I

Studentu Ameru Poliću se dozvoljava promjena teme završnog rada na II ciklusu studija studijskog programa građevinarstva:

- a) ranija tema - «Vodosnabdijevanje naselja Torlakovac – Opština Donji vakuf»
- b) nova tema - «Vodosnabdijevanje naselja Gornja Bioča – Opština Ilijaš».

Imenuje se Komisija za ocjenu i odbranu završnog rada studentu Ameru Poliću na II ciklusu studija studijskog programa građevinarstva u sastavu:

1. prof.dr. Suvada Šuvalija, dipl.ing.građ., predsjednik
2. prof.dr. Amra Serdarević, dipl.ing.građ., mentor i član
3. doc.dr. Hata Milišić, dipl.ing.građ., član

Ad/VIII

Na prijedlog Odsjeka za hidrotehniku i okolišno inženjerstvo, a kao odgovor na Dopis Ministarstva privrede Kantona Sarajevo, Vijeće je jednoglasno donijelo sljedeću:

ODLUKU

I

Za predstavnika Univerziteta u Sarajevu – Građevinski fakultet u Komisiju za izradu Nacrta Odluke o privremenoj zaštiti izvorišta vode za piće „Sarajevsko polje“, koju će formirati Ministarstvo privrede Kantona Sarajevo, predlaže se prof.dr. Emina Hadžić, dipl.ing.građ.

II

Zadatak navedene Komisije za izradu Nacrta Odluke o privremenoj zaštiti izvorišta vode za piće „Sarajevsko polje“ će posebnim rješenjem utvrditi Ministarstvo privrede Kantona Sarajevo.

Izjašnjavanja članova Vijeća Univerziteta u Sarajevu – Građevinski fakultet sa I elektronske sjednice, održanu dana 24.01.2022. godine, su sastavni dio ovog Zapisnika.

Zapisnik vodila:
Sabina Bajrić, dipl. pravnik

Sabina Bajric

02-1-145-1/22

27. 01. 2022. god.

DEKAN

Prof.dr. Samir Dolatić, dipl.ing.građ.

